

ხელშეკრულება N ეკ/68
სახელმწიფო შესყიდვების შესახებ
დაფინანსების წყარო საკუთარი შემოსავლები

ქ. თბილისი

15 აგვისტო 2017 წელი

ერთის მხრივ, არასამეწარმეო (არაკომერციული) იურიდიული პირი „საქართველოს ეროვნული ბოტანიკური ბაღი“ (შემდგომში „შემსყიდველი“) წარმოდგენილი დირექტორის თამაზ დარჩიძის სახით და მეორე მხრივ, შპს „ტელკო სისტემს“ (შემდგომში „მიმწოდებელი“) წარმოდგენილი დირექტორის ირაკლი გულიაშვილის სახით, გამარტივებული შესყიდვის საშუალებით, „სახელმწიფო შესყიდვების შესახებ“ საქართველოს კანონის მე-3 მუხლის პირველი პუნქტის „ს“ ქვეპუნქტის საფუძველზე, დებენ სახელმწიფო შესყიდვის შესახებ ხელშეკრულებას (შემდგომში „ხელშეკრულება“) შემდეგზე:

1. ხელშეკრულების საგანი

1.1 ხელშეკრულების საგანს წარმოადგენს საქართველოს ეროვნული ბოტანიკური ბაღის საქართველოს ეროვნული ბოტანიკური ბაღის ორანჟერიის შენობის ინტერნეტით უზრუნველყოფის მიზნით საჭირო ერთი წყვილი (2 ცალი) მედია კონვერტორის (FHC1110-3s20B10, FHC1110-5s20B10 - MEdia converter 10M/100/1000M single mode, single fiber, sc, 1310/1550nm, 20km External Europe Standart Power) სახელმწიფო შესყიდვა (შემდგომში საქონელი).
CPV 32522000 - სატელეკომუნიკაციო აპარატურა

2. ხელშეკრულების ღირებულება

2.1. ხელშეკრულების ჯამური ღირებულება შეადგენს 215 (ორას თხუთმეტი) ლარს დღგ-ს ჩათვლით.

3. ანგარიშსწორების ფორმა და ვადები

3.1. მიმწოდებელთან ანგარიშსწორება განხორციელდება უნაღდო ანგარიშსწორების ფორმით ეროვნულ ვალუტაში.
3.2. დაფინანსების წყარო - საკუთარი ეკონომიკური შემოსავლები.
3.3. მიმწოდებელთან ანგარიშსწორება იწარმოებს მიღება -ჩაბარების აქტისა და შესაბამისი საგადასახადო ანგარიშ-ფაქტურის საფუძველზე.
3.4. შემსყიდველის მიერ მიწოდებული საქონლის ანაზღაურება მოხდება მიმწოდებლის მიერ მიღება ჩაბარების აქტზე ხელის მოწერიდან 10 (ათი) სამუშაო დღის განმავლობაში.

4. მიღება-ჩაბარების წესი

4.1. საქონელი ჩაითვლება მიღებულად მხოლოდ კანონმდებლობით დადგენილი წესით განსაზღვრული მიღება-ჩაბარების აქტის გაფორმების შემდეგ.
4.2. შემსყიდველის მხრიდან მიღება-ჩაბარების აქტზე ხელმოწერ უფლებამოსილ პირს წარმოადგენს ა(ა)იპ „საქართველოს ეროვნული ბოტანიკური ბაღი“-ს საზოგადოებასთან ურთიერთობისა და მარკეტინგის განყოფილების IT სპეციალისტი ნიკოლოზ ლემონჯავა.

5. საქონლის მიწოდების ვადა

5.1. საქონლის მიწოდების ვადაა ხელშეკრულების გაფორმებიდან 2017 წლის 21 აგვისტოს ჩათვლით.

6. მხარეთა უფლება-მოვალეობები

6.1. შემსყიდველს უფლება აქვს შეამოწმოს სახონლის შესაბამისობა ხელშეკრულებით გათვალისწინებულ პირობებთან და განახორციელოს ხარისხის კონტროლი და ზედამხედველობა მიმწოდებლის მიერ ხელშეკრულების პირობების დაცვაზე.
შემსყიდველის მხრიდან ინსპექტირებას უზრუნველყოფს საზოგადოებასთან ურთიერთობისა და მარკეტინგის განყოფილების IT სპეციალისტი ნიკოლოზ ლემონჯავა.
6.2. შემსყიდველი ვალდებულია საკუთარი სახსრებით უზრუნველყოს ინსპექტირების შედეგად გამოვლენილი ყველა დეფექტის ან ნაკლის აღმოფხვრა.
6.3. შემსყიდველი ვალდებულია აუნაზღაუროს მიმწოდებელს მიწოდებული საქონლის ღირებულება წინამდებარე ხელშეკრულებით გათვალისწინებული პირობებით.
6.4. მიმწოდებელს უფლება აქვს მოსთხოვოს შემსყიდველს მიწოდებული საქონლის და მომსახურების ღირებულების ანაზღაურება ხელშეკრულებით გათვალისწინებული პირობებით.
6.5. მიმწოდებელი ვალდებულია მიაწოდოს საქონელი ხელშეკრულებით გათვალისწინებულ ვადებში.
6.6. მიმწოდებელი ვალდებულია ანგარიშსწორებისას მიუთითოს ფაქტიურად მიწოდებული საქონლის ღირებულება და წარმოადგინოს შესაბამისი დოკუმენტაცია.

7. პირგასამტებლო ხელშეკრულების პირობების შეუსრულებლობისათვის

7.1. ხელშეკრულებით ნაკისრი ვალდებულების შესრულების ვადის გადაცილების შემთხვევაში, მიმწოდებელს ეკისრება პირგასამტებლო ყოველ ვადაგადაცილებულ დღეზე შეუსრულებელი ვალდებულების ღირებულების 0.02%-ის ოდენობით
7.2. პირგასამტებლოს გადახდა არ ათავისუფლებს მხარეს ძირითადი ვალდებულების შესრულებისაგან.

8. ხელშეკრულებაში ცვლილებების შეტანა და ხელშეკრულების შეწყვეტა

- 8.1. ხელშეკრულებაში ნებისმიერი ცვლილების, დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე.
- 8.2. ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველისთვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა, ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.
- 8.3. ხელშეკრულების ერთ-ერთი მხარის მიერ ხელშეკრულების პირობების შეუსრულებლობის შემთხვევაში მეორე მხარე უფლებამოსილია ცალმხრივად მიიღოს გადაწყვეტილება ხელშეკრულების შეწყვეტის შესახებ.
- 8.4. მხარე ვალდებულია არანაკლებ 5 კალენდარული დღით ადრე წერილობით ან კომუნიკაციის ელექტრონული საშუალებების გამოყენებით შეატყობინოს მეორე მხარეს 8.3. პუნქტით გათვალისწინებულ გადაწყვეტილების მიღების განზრახვის შესახებ.
- 8.5. ხელშეკრულება ასევე შეიძლება შეწყდეს მხარეთა ინიციატივით, ურთიერთშეთანხმების საფუძველზე.

9. დაუძლეველი ძალა

- 9.1. მხარეები თავისუფლდებიან ხელშეკრულებით განსაზღვრული ვალდებულების შეუსრულებლობით გამოწვეული პასუხისმგებლობისაგან, თუ აღნიშნული გამოწვეულია აუცდენელი დაუძლეველი ძალის ზეგავლენით. აღნიშნულის არსებობის შემთხვევაში, მხარე ვალდებულია აცნობოს მეორე მხარეს ნაკისრი ვალდებულების შესრულების შეუძლებლობის შესახებ.

10. დავები და მათი გადაწყვეტის წესი

- 10.1. ხელშეკრულების მოქმედების პერიოდში წამოჭრილი ყველა დავა გადაიჭრება ურთიერთშეთანხმების და მოლაპარაკების გზით. იმ შემთხვევაში, თუ შეთანხმება არ იქნება მიღწეული დავის წარმოშობიდან 30 დღის განმავლობაში, დავის გადასაწყვეტად მხარეები უფლებამოსილნი არიან მიმართონ სასამართლოს საქართველოს მოქმედი კანონმდებლობის შესაბამისად.

11. ხელშეკრულების ენა და მოქმედების ვადები

- 11.1. ხელშეკრულება შედგენილია ქართულ ენაზე, ორ ეგზემპლარად, რომელთაგან თითოეულს აქვს თანაბარი იურიდიული ძალა და ინახება ხელმომწერ მხარეებთან (ერთი პირი მიმწოდებელთან და ერთი პირი შემსყიდველთან). ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.
- 11.2. ხელშეკრულება ძალაში შედის ხელმოწერიდან და მოქმედებს 2017 წლის 29 სექტემბრის ჩათვლით.

მხარეთა რეკვიზიტები

შემსყიდველი:

ა(ა)იპ საქართველოს ეროვნული
ბოტანიკურ ბაღი
მის: ქ. თბილისი, ბოტანიკური ქ. #1
ს/კ: 404405960
ბანკი: სახელმწიფო ხაზინა
ბანკის კოდი TRESGE22
ანგ. #741 887 499



მიმწოდებელი:

შპს ტელკო სისტემს
მის: ქ. თბილისი, ვაჟა-ფშაველას გამზირი #30
ს/კ: 205203279
ბანკი: თიბისი ბანკი
ბანკის კოდი: TBCBGE22
ანგ: GE 75TB 4021 5360 2010 0006



ხელწერილი

ინტერესთა კონფლიქტის არარსებობის შესახებ

ქ. თბილისი

15 აგვისტო 2017 წელი

ვადასტურებთ, რომ არასამეწარმეო (არაკომერციული) საქართველოს ეროვნულ ბოტანიკურ ბაღსა და შპს „ტელკო სისტემს“ შორის გაფორმებულ ხელშეკრულებაში, ჩვენი მონაწილეობა არ ეწინააღმდეგება „სახელმწიფო შესყიდვების შესახებ“ კანონის მე-8 მუხლის მე-4 პუნქტს.

ა(ა)იპ საქართველოს ეროვნული ბოტანიკური ბაღის

დირექტორი

თამაზ დარჩიძე



დირექტორის მოადგილე

ვახტანგ გაბიძაშვილი



შესყიდვების კოორდინატორი

რუსლან მამარდაშვილი

